



*Dr. Igor Gavrić, predsjedavajući
Gradskog vijeća Grada Sarajeva, u funkciji gradskog vijećnika*

Broj: 01-02-1670-3/17
Datum: 23.10.2017. godine

Na osnovu člana 122. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), predsjedavajući Gradskog vijeća Grada Sarajeva, utvrđuje

Prijedlog tema za Program rada Skupštine Kantona Sarajevo za 2018. godinu i upućuje ga Gradskom vijeću na razmatranje po skraćenom postupku.

PREDSJEDAVAJUĆI GRADSKOG VIJEĆA

Dr. Igor Gavrić, s.r.



*PRIJEDLOG TEMA ZA PROGRAM RADA
SKUPŠTINE KANTONA SARAJEVO
ZA 2018. GODINU
(prijedlog)*

*Predlagač:
Predsjedavajući Gradskog vijeća,
u funkciji gradskog vijećnika*

*Obrađivač:
Gradska služba za Gradsko vijeće*

Sarajevo, oktobar 2017. godine



Na osnovu člana 26. Stav 1. tačka 2. i člana 74. Statuta Grada Sarajeva („Službene novine Kantona Sarajevo“, broj 34/08), Gradsko vijeće Grada Sarajeva, na sjednici održanoj _____ donijelo je

*PRIJEDLOG TEMA ZA PROGRAM RADA
SKUPŠTINE KANTONA SARAJEVO
ZA 2018. GODINU*

(prijedlog)

1. Gradsko vijeće Grada Sarajeva je mišljenja da je potrebno preispitati Ustavna rješenja, posebno u dijelu koji se odnosi na teritorij Grada Sarajeva i djelokrug lokalne samouprave Grada Sarajeva, utvrđen Ustavom Kantona Sarajevo.
Očekuje se nastavak provođenja reforme lokalne samouprave u smislu raspodjele nadležnosti lokalne samouprave i pripadajućih javnih prihoda u Kantonu Sarajevo, donošenjem odgovarajućih zakonskih propisa, odnosno očekuje se da će teme koje znače realizaciju ove aktivnosti biti sadržane u Programu rada Skupštine Kantona Sarajevo za 2018. godinu.
U tom kontekstu, Gradsko vijeće predlaže da u programu bude sadržana tema kojom će se Skupština Kantona Sarajevo detaljnije upoznati sa obavezama iz presuda Ustavnog suda FBiH, a po zahtjevima za zaštitu prava na lokalnu samoupravu Grada Sarajeva, a zatim i donošenje Zakona o lokalnoj samoupravi Kantona Sarajevo.
2. Gradsko vijeće Grada Sarajeva predlaže da se tokom 2018. godine preispita i Zakon o prostornom uređenju i donesu izmjene i dopune tako da se utvrdi nadležnost Grada Sarajeva za donošenje regulacionih planova, a da se do tada, što je prije moguće, utvrdi moratorij na primjenu odredbi važećeg zakona, koje se odnose na djelokrug gradskih općina za donošenje regulacionih planova, kako gradske općine ne bi pristupale novim procesima provedbenog planiranja gradskog prostora nekoordinirano.
3. Gradsko vijeće Grada Sarajeva predlaže da se u Program rada Skupštine Kantona Sarajevo za 2018. godinu uvrste teme s ciljem utvrđivanja takve energetske politike koja će omogućiti provođenje dugoročnih mjera zaštite okoliša u Sarajevu, s naglaskom na smanjenje emisije CO₂, uz promociju korištenja ekološki prihvatljivih izvora energije, primjerenih urbanoj sredini, a posebno zemnog gasa (analiza stanja, procjena i planiranje energetskih potreba za planski period, opredjeljenje o ciljanoj zastupljenosti pojedinih energenata, propisivanje ekoloških taksi, formuliranje poticaja i sl.).
4. Gradsko vijeće Grada Sarajeva predlaže da se u Program rada Skupštine Kantona Sarajevo za 2018. godinu uvrsti tema po osnovu koje će Kanton Sarajevo poduzeti sve u okviru svoje nadležnosti da se osigura kontinuirano snabdjevanje gasom građana Sarajeva.
5. Gradsko vijeće Grada Sarajeva predlaže da se u Program rada Skupštine Kantona Sarajevo za 2018. godinu uvrste teme kojima će Kanton Sarajevo preispitati svoju politiku s ciljem poboljšanja stanja u oblasti vodosnabdjevanja (kvalitativno i kvantitativno, kao i po pitanju kontinuiteta u snabdjevanju), rješavanja problema klizišta, naplate za korištenje javnih površina u Kantonu Sarajevo za parkiranje vozila.

6. Gradsko vijeće Grada Sarajeva predlaže da se u Program rada Skupštine Kantona Sarajevo za 2018. godinu uvrste teme kojima će Kanton Sarajevo preispitati svoju politiku prema osobama treće životne dobi, donošenjem strategije zaštite građana treće životne dobi, a po osnovu prethodno izrađene socijalne karte u Kantonu Sarajevo.
7. Gradsko vijeće Grada Sarajeva predlaže da se u Program rada Skupštine Kantona Sarajevo za 2018. godinu uvrste teme vezane za spriječavanje „bijeke kuge“ kroz zaštitu materinstva, djece i zapošljavanje mladih, teme vezane za sigurnost građana (napušteni psi, narkomani sl.).

PREDSJEDAVAJUĆI GRADSKOG VIJEĆA

Dr. Igor Gavrić